

Goibekokale

ELGETA / Barikua / 2001eko azaroaren 9a / 74. zenbakia

KOORDINATZAILEA: Oxel Erostarbe • Barrenkalea, 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com

Zortzigarren sektorean babes ofizialeko 24 etxebizitza eraikitzeako proiektua aurrera

OXEL EROSTARBE

Udaleko osoko bilkuran zortzigarren sektoreko arau subsidiarioak aldatzea onartu zuten. Lehenagoko arauak aurrez ikusten zutena baino etxe gehiago eraikiko dira. Torrealde inguruan 76 etxebizitza eraikiko dira. Horietatik, 24 izango dira babes ofizialekoak.

Hasiera baten, babes ofizialeko 32 etxebizitza egin behar zituzten zortzigarren sektorean. Lurrak berriro sailkatzerakoan Udalarik eratutako zai partzelan eraikiko dituzte etxe horiek, beste partzelen jabeen artean desberdintasunak eragozteko. Partzela hori aurrez ikusita zegoena baino txikiagoa denez, 32 beharrean 24 etxebizitza eraikitzea onartu dute barne erreformako plan berezia onartzean.

Babes ofizialeko gain, 52 etxebizitza, 60 aparkaleku publiko, 114 aparkaleku pribatu, berdeguneak eta plaza bat eraikiko dituzte zortzigarren sektorean. Bergaratik eta Salvador zeharbidetik sarrera izango dute bizilagunek.



Datorren udazkenean 76 etxebizitzak eraiki eta ingurua urbanizatzeko lanekin hasteko asmoa dauka Udalak.

OSOKO BILKURAN KEXAK IZAN ZIREN

Arau subsidiarioak aldatzeko egindako osoko bilkuran Torrealdeko bizilagunak kexatu egin ziren, elkarri atxikitako etxebizitzak egiteko euren proiektua ez delako jende aurrera agertu. Proiektu hori atzera bota du Udalak, lur publiko gutxi geratzen delako. Onartu aurretik, erre-

klamazioak egiteko aukera izango da, buletinean atera eta 15 egunean. Datorren udazkenean etxebizitzak eraikitzeako lanekin hastea espero du Udalak.

Hasieran 32 baziren ere, azkenean 24 izango dira babes ofizialeko etxebizitzak

Lur publiko gutxi geratuko litzateke eta, atzera bota dute elkarri atxikitako etxeen proiektua

Datorren urteko udazkenean etxebizitzak eraikitzen hastea espero dute

HERRITARREN HITZA / Ana Gillegi • Danka Multimediako proiektu arduraduna

Beldurraren askatasuna

Bizitzan hasten dugun bedozer amaiera jakin bat izango duelako hasten dugu. Horrela ekiten diot nik, behintzat, bizitzari; badakit, bai, bidean gauzak aldatu egin daitezkeela. baina helburu bat izateak ekintzari zentzua ematen dio. Bada, oinarrizko parametro hori maila txikietan onartzen bada, maila gorentan zentzu handiagoa duela uste dut.

Liskar bat, borroka bat eta gerrate bat sortzeak ez du helburu interesgarririk, nire ustez, ez baitago aitzakiarik horretarako nire buruan. EEBBetako agintarientzat,

aldiz, errazago da helburua justifikatzea hitz handi eta buru gutxiarekin: munduko terrorismoarekin amaitzea.

Hain zuzen ere, honela ekin zioten beraien gerrate "santu" honi Afganistanen aurka. Hilabete pasatu da, eta helburua hankaz gora dago, hasieratik zentzurik izan ez duen helmuga zuelako.

Bi hilabete hauetan jakinarazi dizkiguten gauzak



"Gerrate bat sortzeak ez du helburu interesgarririk"

"askatasuna bermatzeko" asmoz hasi dira liskar honetan mendebaleko eta ekialde-

gutxi dira, alde bakoitzari komeni zaiona soilik. "Gutxi dakigunok" argi ikusten dugu bi herrialdeetako gizarteek jasaten dutena: beldurra. Beldurrak kentzen dio gizakiari askatasuna. Horren ondorio dira hartzen diren hainbat eta hainbat erabaki. Beldur hori uxatzeko eta

ko herrialdeak. Agintariak helburu argirik eduki gabe ekin diote ibilbideari. Beraien artean nork ezabatu du beldurraren aurpegia? Nork bermatuko askatasuna?

Baina ezin burutik uxatu gurean ere zer zuzendu badugula. Hainbat herritar beldurraren eraginez ez baitira askeak, baina hau, ia-ia egunero bizi dugunez, onartu egin dugu. Egundak gutxiaren buruan, Afganistan eta EEBBen artean piztutako suak ez gaitu itzaltzera hurbilduko.

Beldurrarekin bizitzen ohitu gara.

LABUR

Gaur arratsaldeko 19:00etan Gaztaina Erre Eguna

Iluntzerako Gaztaina Erre Eguna antolatu dute Gaztetxeok, plazara gerturatzen direnek, sagardoaz lagunduta gaztaina errearek jateko aukera izango dute.

Astean zehar udazkenean inguruko, ohiturak, abestiak eta jolasak ikasten aritu eta gero, arratsaldean gaztainak erre eta jolasak egiteko festa izango dute eskolako haurrek.

Gaueko 22:20etan kontzertuan izango dira, PAM eta Luchando para cambiar.

IRAKURLIAREN TXOKUA

KRITIKEI ERANTZUNEZ

Eskutitz honekin Elgetako Gaztetxe batzarrekuok, 2001eko urriaren 19an Goienkariko 38.zenbakixan, Iban Arantzabal elgetarrak "Gaztetxia Jubilauntzako" titulopian idatzi zeban artikuluko komentari xuei erantzutia nahi dotzagu.

Goibekokale Elgetako herri aldizkarixa irakurtzeko aukeria euki ez zinuaten ondako, guk Asentzio Eguna antolatziak aurreko pare bat hillabetietan dakan lana beste batzuen esku lagatzeko erabakixan zergaitxixa labur-labur azaltzen saiatuko gara.

Elgetako Gazte Asanbladiak 1995.urtian altzau zeban galduta zeuan egun hau ospatzeko ohiturria, eta sei urte honetan ahalik eta onduen antolatzen saiatu gaz, baiña, herritarren artian Asentzio Eguna dakan garrantzixia zabaldua ikusten douenez, eta bizi gazen gizarteko biharra ikusitxa, Gaztetxe batek dakazen beste helburu batzuk (gaztien kontzientziatziñua,...)

bultzatzi nahi dou, Asentzio Eguna beste elkarte edo pertsona batzuk antolatziak guri beste ekintza honek aurrera eruateko aukeria emoten dozku, eta hau oso positibua ikusten dou herrixandako. Helburu bat biharrian, bi beteko zielako. Gaiñera, guk argi lagatzia nahi dou guk hitzaldi bat, antzerki bat, edozein ekintza antolatzen douenian ez douela sartu leike dianen edadeik finkatzen, ez dou iñoiz mugatu generaziño konkretu batera gaztetxera sartzeko aukeria.

Beste alde batetik, ez dou ulertzen danok Elgetakuak izanda kritikak (beti txarrak) Goibekokale edo Goienkarixan azaltzeko edo juergetan entzuteko biharra, zapatu atsaldero 15:30tan eitxen doun batzarrera agertzen ez dan jendian partetik.

Hau holan ikusitxa eztabaida ireki bat eitxeko asmua dakau, eta honen eguna erabakitzen douenian, jakinarazikou.

ELGETAKO GAZTETXIA

IRAKURLIAREN TXOKUA

Goibekokalen zure gutuna argitaratzia nahi izanez gero, Goibekokaleko buzoian laga edo goibekokale@goinea.com helbidera bialdu.

Beti be, martitzen goiza aurretik bidaltzi komeni da.

ELGETAKO ERMITAK / Tourseko San Martin



OJANGURENGO ERMITATUA Elgetatik Uberararako bidian, Arantzeta ziharrian kokatzen da Tourseko San Martinen ermittia. Gerra denboran hondatuta, Ojanguren basarrixan onduan dago. Neurritz ermitta txikitxua da, 4,9 x 5,6 metro ingurukua. Atriuu ere badauka, 1,7 metro aurreratzen dalarik.

Murugarrenek ermittia 1.625ekua dala diño, bertan dagon irudi gotikua, lehenaukua dala ezagun dan arren. San Martinen irudi gotiko-herrikoia Ojanguren basarrixan gordeta dago. Irudixa benetan politta da eta metro eta erdi neurtzen dau. Irudixaz gain, hau egoten zan horma hillobixa eta ermittako kanpaia ere, gordeta dittue Ojanguren basarriko bizilagunek./OXEL EROSTARBE

KULTURA

Azaroaren 23an izango den *La Garbo S.A.* antzerki lanerako sarrerak saltzen

O. E.

Azaroaren 23an, Markeliñeren *La Garbo S.A.* antzerki lana izango da ikusgai Espaloia Aretoan. Sari ugari jasotakoa da Zornotzako taldearen lan hau. Eserlekua aurrez gorde nahi duenak, udaletxera deitu dezake. 500 pezeta balio dute sarrerak.

La Garbo S.A. antzerki lanak bi kale-garbitzaileen bizipenak batzen ditu. Iñaki Egiluz eta Javier Renobales dira lan honetako protagonistak. Hitzik egin ez arren, ederto azaltzen dituzte lanean bizitako egoerak eta izaten dituzten gorabeherak. Jose Ibarrolak zuzentzen duen antzerki lana, adin guztietako ikusleak

ondo pasa dezaten gertatuta dago.

Kale-garbitzetan diharduten bitartean, lankideen arteko laguntasunaz, gertatutako ezbeharrez, dituzten dohainez eta batez ere dituzten akatsez ohartuko da ikuslea. Antzerki lanak umore puntua dauka. Bukaerako gertaerek ordea, algarak alde batera laga eta hausnarketa egitera eramango dute ikuslea.

SARI UGARI AURKEZTU ZENEAN

Duela bost urte aurkeztu zen jende aurrean Markeliñeren lana.

Aurkezpenean sari ugari jaso zituen *La Garbo S.A.*-k. Besteak beste, Euskal Antzerki Jaialdian, Ikusleen Saria eta Kritikaren Saria jaso zituen. Denboraldiko lan onenaren Arriola Saria ere jaso zuen.



MARKELIÑE

Kale-garbitzaileen bizipenei, umore puntua ematen die Markeliñek lan honetan.



**OSTATU
GAZTETXER**

•Eguneko menua 800 pzta.
•Karta.

Gudarien Bide, ELGETA
Tel: 943 76 80 23

Uriburu UTEK saltzen du:

Domingo Iturbe kalean
ETXABE KOMERTZIALA
Etxe berrien azpian
PREZIO INTERESGARRIAK
943 76 11 23
670 781 759



TAPEM S.A.

Trokelak eta estanzazioa
**TROKEL PROGRESIBOETAN
ESPEZIALDUAK**

Elorrio bide z/g 20690 Elgeta
Tel: 943 76 80 50 / 78 90 31
Faxa: 943 76 82 43

ERRETRATUZAHARRA

Kontxita
andereñoari
omenaldia

Bergarar askok eta askok gogoan izango dute Kontxita andereñoa. Gaur egun Fraiskozuri kalean dauden Avenida edo Antxoni tabernen inguruan Frontoiko Eskola zegoen 1930eko hamarkadaren inguruan. Hantxe, bergarar belaunaldi askok eskolak jaso zituen Kontxita Maiztegiren eskutik.

Benetan lan aipagarria egin zuen Kontxita andereñoak, eta hori eskertu nahirik, haren ikasle izandakoek omenaldia egin zioten 1969. urteko abenduan. Ariznoa jatetxean bazkaria antolatu zuten, eta deialdiak harrera bikaina izan zuen, jatetxea bete egin zen-eta. Bazkalostean, Kontxita andereñoak hainbat opari jaso zituen ikasle ohien partetik. Frontoiko eskolan lanean izan ondoren, San Martin plazako azokako eskolan eta Aranzadi Ikastolan aritu zen lanean Kontxita andereñoa, 1970eko hamarkadaren amaieran erretiratu zen arte.

Erretratuan 1969ko omenaldia antolatu zuen emakume taldea ikus



dezakezue, ezkerretik eskumara: Mari Paz Alberdi, Maria Jesus Larrañaga, Angelita Garmendia, Maite Gallastegi, Kontxita Maiztegi, Sol Telleriarte, Arantxa Agirre, Mariasun Plazaola eta Miren Lonbide.

Argazia: Udal Agiritegia (Lorenzo Laskurain)

ADI, IRAKURLE!


Argazki zaharren bat erakutsi nahi izanez gero,
BERRIGARA bertara ekar dezakezu.

Irizar jauregian gaituzu, zatoz!

NOLA ALDATU DIRENGAUZAK

Espoloiaren
itxuraldaketa
azken urteetan

Espoloiak sekulako itxuraldaketa izan du azken 30 urteetan. Etxe mordera eraiki dituzte inguruan, eta musika kioskoa dugu berdin-berdin jarraitzen duen elementu bakarrenetakoa. 1980ko hamarkadan, Espoloiko etxe berriak egin zituzten, eta gero, Toki-Eder plazakoak etorri ziren. Etxe berriek hainbat eraikin zahar desagertzeari ekarri zuten.



± 1978

Zabala-Enea etxearen ondoan (Espoloiko iturri ondoan dagoena), Etxaniz-Enea izenekoak zegoen 1970eko hamarkada arte.




2001

1980ko hamarkadaren hasieran, Espoloiko etxe berriak egin zituzten. Ingurua erabat aldatu zen. Frontoia ere eraiki zuten orduan.

Zumelaga
JATETXEA

59 urte zuen zerbitzura!

San Antonio 5. BERGARA. 943 76 20 21



**Manufacturas
LARRAÑAGA**

- Lan-babeserako artikulak
- Seinaleztapena
- Jantziak

Leizeaga 1. BERGARA
Tf. / faxa 943 76 59 53.



MEMESA

INDUSTRI HORNIDURAK

Tel. 943 71 24 25
BERGARA

**Zuri Beltz
margoak**

Barnealde eta kanpoaldean
erreforma

Pintura zerbitzu osoa
Moketak

943 76 14 60
607 447 494
943 76 59 59
Bergara

ARAMBURU H O R T Z K L I N I K A

- Odontologia orokorra ✓
- Protesiak ✓
- Ortodontzia ✓
- Periodontzia ✓
- Ezarpenak ✓




Telesforo Aranzadi 1, behea.
943 76 02 46. BERGARA
Ordutegia: 10:00-13:00 eta 15:00-21:00

MILA ESKER URTEBETE HONETAN
GUGAN KONFIANTZA IZAN DUZUEN GUZTIOI.

**GORTASUNAREN
AURKAKO
PREBENTZIO
JARDUNALDIAK**

R.I.P.S. Nº 164/99 I.L.G.

**GONBIDAPENA
AZAROAK 14-15-16an**



**AUDIFONO DIGITAL
BERRIAREN moldaketan
50.000 pta-rainoko
deskontua**

Dohaineko eta konpromezurik gabeko
entzumen azterketa elektronikoa



GAES

ENTZUMEN ZENTRUA

ESKA EZAZU HITZORDUA ALDEZ AURRETIK

**BERGARAN
MULTIOPTICAS LARRAÑAGA**

Ibargarai, 16 - Tel. 943761575 - BERGARA

**ETA JASO
EZAZU
OPARI
EDER BAT!**

GRUPO **RKUZ**

1950-2001




ETXE MOBEL
MUEBLES ALTZARIAK

Araba Etorbidea 5 •
Tel. / Faxa: 943 79 41 82
ARRASATE



RKUZ
ALTZARIAK

Araba etorbidea 20 •
Tel. / Faxa: 943 79 23 51
ARETXABALETA



RKUZ
ELETRAGAILUAK

Asunción, 1 •
Tel. / Faxa: 943 79 10 97
ARETXABALETA

expert

RKUZ
SUHALDE INTEGRALA

Mitarte 3 •
Tel. / Faxa: 943 77 04 55
ARETXABALETA

FAGOR

50 urte baino gehiago gure bezeroen zerbitzura.

Eskerrik asko emandako konfiantzagatik